



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Conciliorvm Omnivm Generalivm Et Provincialivm Collectio Regia**

Ab anno MCLXXXI. ad annum MCCCXIV.

**Parisiis, 1644**

Vita Nicolai Papae III.

**urn:nbn:de:hbz:466:1-15974**

## VITA

## NICOLAI PAPÆ III.

**N**ICOLAUS tertius, cui Ioannis Caietani nomen fuerat, ex nobilissima Vrsinorum familia genitus, ex cardinale diacono tituli sancti Nicolai, post interregnum sex mensium, magna cum altercatione pontifex creatus est Viterbii septimo Kalendas Decembris anno Christi 1277. obsistente plurimum Sicilia rege Carolo, qui senator conclauis præsidens omnibus modis vrgebat, vt e Gallia quispiam eligeretur. Inito pontificatu Carolo Etruriæ vicariatum & senatoriam dignitatem abstulit; strictissime prohibens, ne vllus principum ad eam deinceps assumeretur. Exarchatum Rauennatem cum omni Flaminia recepit, cui comitem Bertholdum nepotem præfecit. Post multas comminationes Venetos adegit vt pacem cum Anconitanis paciscerentur. Duos reges ex Vrsinorum familia creare decreuerat, vnum Etruriæ, alterum Longobardiæ præfecturus: ille vt Germanos vltra Alpes compesceret, hic vt Gallorum & Siciliensium potentiam runderet. Laudatur in eo quod generosi animi & sani consilii, probatæ vitæ, morumque honestissimorum fuerit, literarum studiosos amauerit, in distribuendis beneficiis personarum electionem euitauerit. Cardinales aliquot graues & doctos viros elegit, inter alios fratrem suum, & Columnæum alterum. Præclaris ædificiis palatium exornauit, sancti Petri hortos muris circumdedit, ecclesiamque reparauit, in eaque pontifices depingi curauit. Idem etiam in sancto Paulo perfecit: canonicorum numerum auxit. Ordines ecclesiasticos diuisit, vnicuique domicilium proprium assignans, vt aduenæ, quo in loco quisque magistratus, præsertim Forensis, reperiretur, cognoscere possent. Palatium Lateranense ad finem perduxit. Sancta sanctorum restaurauit. Ecclesiam sancti Ioannis propriis expensis reædificauit. Nunquam Missam sine lacrymarum profusione celebrauit. Ordinem Minorum maxime promouere studuit. Ecclesiis vacantibus optime omnium & prudentissime ipse vnus prouidit. Magistratum aliosque curiæ ministros reformauit. Multa ad publicam utilita-

ANNO  
CHRISTI  
1277.AN  
CHRANNO  
CHRISTI  
1277.

tem spectantia ordinavit. In hoc vno quibusdam culpabilis visus, quod in suos propensior obseruaretur: præferim quod ut iis beneficeret, aliis subtraheret. Tandem, licet cibi potusque abstinentissimus esset, morte tamen subitanea in octava assumptionis Suriani sublatus est, cum pontificatum annis tribus, mensibus octo, & diebus quindecim obtinuisset. Inde Romam relatus in ecclesia sancti Petri sepultus est. Sedes quinque mensibus vacavit.

ANNO  
CHRISTI  
1179.

CONCILIVM TARRACONENSE  
PRO CANONIZATIONE RAIMVNDI  
Pennafortii celebratum anno MCLXXIX.  
sub Nicolao papa tertio.

NOTA.

*Concilium.*] De hac Synodo Bzouius ex Surita ista refert: *Tarracone in Aragonia ad septimum Idus Decembris Bernardus Tarraconenfis archiepiscopus, Arnaldus Barcinonenfis, Bernardus Gerundensis, Raimundus Ausitanus, qui se Vicensem cognominat, Guilielmus Ilerdensis, Petrus Vrgelitanus, Arnaldus Dertosanus, Petrus Casar-Augustanus, Iacobus Oscensis, Iaspertus Valentinus, episcopi: item abbates & alii prelati Concilium celebrarunt. Ex eius decreto literis enixe Nicolaum pontificem interpellarunt, ut Raimundi Pennafortii viri sanctissimi memoria sua certa destinataque sententia religione omnium consecraretur, araque ei inter diuos ritu solenni statuerentur, utpote cuius viri sanctitas insigni tunc splendore apud omnes præfulgeret. Nihil tunc in gratiam illorum concedere voluit Nicolaus, quod rex Petrus a Procida seductus iam turbas Italia moliretur, neque censum Romana ecclesia pendere vellet.*

ANNO  
CHRISTI  
1281.

VITA ET EPISTOLÆ  
MARTINI PAPÆ II. VVLGO IV.

MARTINVS huius nominis secundus, Simon antedictus, natione Gallus, patria Briensis, quondam Turoni canonicus, vir pius & sanctus, post obitum in Gallia legationem sedis apostolicæ, ex cardinale presbytero tituli sanctæ Cæciliæ creatus est pontifex octavo Kalendas Martii anno Domini 1281. tempore Rudolphi imperato-